

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ဗုဒ္ဓကမ္ဘာတစ်ဝှမ်း တိုဝှမ်းပျံ့နှံ့

Vol. 57 || No. 8

August, 2021



Editor: Rev. Khamchinkhai

Synod Kumpuon:

[Mathiu 6:10]

NA GAM HING TUNG HEN

Khristian Tangkou

Vol. No. 57 || Issue No. 8 || August, 2021

A sung thu

Editorial Board

Editor : Rev. Khamchinkhai - 8730933744
 Joint Editor : Rev. Dr. Hangpi Maunlun - 9862910875
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937
 Ms. Niangkhanmang
 Nh. Tracy Niangsuannuam

Cont. Editors : Upa Khupsuankham - 9856406454
 Rev. Awnkhanhup - 9862828921
 Rev. Thangboi Khuongsai - 8119957887
 Rev. Khamminlian - 8414998542
 Rev. P. Ginzalal - 8131814376
 Upa Dr. M. Lachinkhai
 Upa Jamgenthang
 Upa M. Lianminthang

ZOU SYNOD ULIENTE

- **Moderator:**
Rev. Kapsuanthang
- **Moderator Elect:**
Rev. Mangmuanthang
- **Secretary (Sr):**
Upa M. Kamzadou
- **Secretary (Jr):**
Upa Chinsuanthang
- **Treasurer:**
Upa M. Sianzahau
- **Statistician:**
Upa Suankhanmang
- **Executive Secretaries:**
Rev. Khamchinkhai
Rev. Dr. Hangpi Manlun

- Editorial..... 01
- Thu tuomtuom & Thumpi ding 02
- Silpieh tungtawn a Manggam nasepna ... 04
- Khelna chi nite..... 07
- Maitam 11
- Mittui luong kawm a haichi 12
- Anti-Christ & 666 14
- Hamkam i zahkhielte17
- Khochin Sawmakhat sund dan 19
- Suunna..... 22
- ZPWF Column 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Pasian mapuina toh ha kuona tan a guolzawl na thupitah toh hing lamkai zing I Mangpa Jesu Khrist min in chibai.

I gam i lei, i khovel, i tenna leitung i et chieng un, Natpi huoisetah Covid-19 kawmkal ah hamsatna khovel in i tuoh lai un gam tuomtuom ah buoina a um a, tua mai hilou in zinling, tuilien, menchim, helna zieh a buoina tuomtuomte a tun zungzung lai in Hundam tate dingin, Pasian ang nai sah chi i zah leh i mute tungtawnin ang kilang hi.

Kum dang a i bawl bang un “Na Gam hing tung hen” (Matt. 6:10) na thupi a zang in tukum 2021 Sepguol zang kia ding i hi uhi. Kum 2020 apat Covid natpi zieh in Sepguol zong i lunggul bang un i zang thei nawnsih ua, tu kum in zong Hattuom chin in eima lem tan bang in a lawh theipen a zang ding in kisa va ui. Pasian gam hoitah hi ding e chiin ki dong hitalei, gendan tampi a um ding hi. Biehin sung bang, Sunday School bang, Committee na bang, sum leh pai ithaw khawmte bang Christiane tamna lah bang hi dingin gintat huoi ding hi. Pasian gam pen eima tahsa leh eima lungsim hi ding hi. Eima mimal a, Pasian thupiehte i zui a, i pom leh i innsung a i zah, i Hattuom ah, i khotaang a i zah chiengin, Pasian gam pen hing tung hi ding ahi. Jawlneiten a hing pei ding a ana gen uleh ana lam-et mama uh Jesu Khrist hing pien ding kuon in Baptist Johan in “Kisia un Vangam a naita” ana chi a tam khu Jesu Khrist Khantan Hoi ana genna ahi. Tualeh Hagau ga - itna, kipahna, lungmuonna, thuohhatna, zainemna, hoina, ginumna, thunuoilutna, kidehtheinate i nei chieng un eima ah Pasian Gam a hing tungta china ahi hi (Gal. 5:22-38).

Tualeh adihtatna, Noahte, Joshuote, Josephte, Abrahamten Pasion gam a dihtatna a nei uhi. Aziehpén anasep uah, asulang uhi. Pasion in akal uah, thuchiemte a nei bangin, a dihtatna in atangtungsah hi. A dihtatna neite kung ma ah Pasion thupiehma a kilang zel hi. Tulai in ei gingtute hinkhuo enta lei thei napi a dihtatlou i hi uhi. Politics, lamkaite, nam lamkaite, Organisation khat phot a lamkaite bangin dihtatna kinei lou hi. Tuabang lamkaite pen piengtha lou zong hi kha ding hi. Hinanlehzong Hattuum a

lamkaite bang gingtu mimal mal bang, ithugen leh i dihtatna kituoh nawn talou bangin ang kilang hi. Kama dihtat a, atahpa a dihtatnawn talou, pulpít tung hitaleh biehin sung a mihoi, lim leh laam a mipha nunnem bang a kikoi a, pulam a, hoilou dihtat lou na in, kisel/kiphuol kawmkawm a, mu thei teng a dihtat bang a kilang na in Pasion gam a dihtatna a ching zou lou hi. Tuaziehin Pasion gam khu eima ihi i chi bangin eima ngelngel a Pasion gam a um a, a dihtatna neite zong hi dingín simtu zousie i kichiel uhi.

Thú tuomtuom leh Thumpi dingte



1. Covid-19 2nd Wave zieh a it leh ngai tamtah i taan lai un leh tam natna zieh a i khotang buoi in i Pasion uh zong i bieh ding bang ua i bieh theilou lai un hun hoi leh manpha Mangpan ahing pie a, August ha i tung touta ua, tambang a hing mapuitu Pasion kung ah nuom thu tut va ui. Covid-19 natna zieh a it leh ngai i taante zieh ua innsung-bangkuo a suuntute leh lungleng tah a umten midangte pieh theilou tunglam apat hamuonna thusah va ui.
2. Leitung mipil-misiemte ngaituo dan in tam Covis-19 3rd wave hing tung pai ding chi ahia, hinanleh sil zousie tung a thuneitu Pasion kung ah tam natna a bei theina ding in lungsim a chitahtah in thum va ui.

3. Pasion hoina leh kepbitna toh kum leh haate hing kihei lamdang zel in a haa 9 na tan a a Hattuum, a misiengthoute hing mapui tu Mangpa min loup i phat masa uhi. Zou Synod Year Planner umsa bangan September 01-26, 2021 tan dai ding in Synod huong sunga Hattuum chin in Sepguol Programme a manpha thei pen leh a lawh thei pen a zang chiet ding in kingen uhi. Tua mai hilou in Hattuum chin leh mimal chin in i lup i thaw in thumna toh bawzui chiet vai. Sepguol thupi: **“Na Gam hing tung hen” Matt. 6:10.** Pasion thu leh laa a kipawl liimna leh inn vena (Housie visit) hileh eima lawhpi dan enkawm in pang chiet va ui. Tualeh inei ilam toh Pasion i pahtawina etsahna in Sepguol tuoh khawm lam ah pipan va ui.
4. I Maban uah Sepguol kisuhtuona, District level Khawmpi, Presbytery level Khawmpi leh Synod Khawmpi Vaihawmnate nei ding i hina uah, lawching tah a i zah theina ding un thum chiet va ui.
5. Covid natpi zieh a siemsinna pei theitalou a, i ta leh naute un siem sin theitalou in siem leh siemlou hilou a, School vaihawmten zong law ding dan thei zoulou in mass promotion a bawl mai uh ngai zel pen khang kibansam a pilna leh siemna hing tasam ding ahina ah i ta leh naute ua ding in thum in School kaina sunzom kia a, siem sin thei kia ding in thum chiet va ui.
6. Synod sung a semtute - Pastor, Office Staff, Missionary/ Evangelist, Evangelist Sangshiete, Upate leh LCC member-ten hattuum sung ah Pasion nna i sepna ua, theitawp suo a ahing sep theina ding un thumpi va ui.
7. Synod tungtawn in Local hi in mimal hitaleh Missionary chawm utten chawm thei ahi chia i kitheisah bang un Pasion in Missionary chawmtu ding ahing pieh belep zieh in kipah thu tut vai in maban ah zong tam sem kiphal thei ding in Pasion kung ah ngen va ui.
8. Mission Field i neite uh Mangjing, Paspate, Tripura Karbi Anglong toh i sephawmnate uah hagau mangthai i mat theina ding un Pasion kung ah ngen va ui.

SILPIEH TUNGTON A MANGGAM NASEPNA

*Rev. Dr. Hangpi Manlun
Joint Editor*

1). Thumapui.

Bang zieh a Pasion kung a silpieh i pieh ding uh e? Tami thu khu i theichet masah uh angai hi. A khente khun i piehna zieh ding uh zong i theilou maithei ua, a khen kia ngelin lah, pieh ding ahilam na ngawn zong theilou in koite e khat apeding tuom um ding a i ngaitua ziehung, i pesih uhi. Pasion kung a sil i piehna ding zieh thumte khu: i). Pasion khu bangkim neitu ahiziehin ahi. ii). Amakhu mizousie hundamtu ahiziehin ahi hi. iii). Pasion khu silzousie hing petu ahiziehin ahi. Tamte a kipatin, Pasion khu eima leh i silnei zousie hing pepa ahi chi i manghil lou ding uh ahi.

Tualeh, Manggam nnasepna ding a kul-le-poimaw tah khu thawlom/silpieh ahi hi. Rev. Saiaithanga in, “Hattuom a thawlom a aum sih leh Pasion gam nnasepnate zong bangma i neitheih sih ding ua, tempong keng lou a louvat sawm toh i kibang lel ding uhi. Sum-le-pai ang lut bang zelin, Mangam nnasem dingte zong i guoitheih un i kisawl sawmna dingte uah zong i kisawltheih leng uhi. Sum-le-pai a um leh, eima gam sung gentahlou gam dang ah zong missionary nnasem dingte in zong i kisawltheih ding uh .” a chi hi. Agen dih mama mai hi.

Tuabanah, hattuumte nnasepna asuhing a, su-masawntu pen khu hattuum mipiten, hattuum leh Pasion a ding a, a hunte uh a sennate uh, a siemna u’leh theinate uh zong kisitlou kei a Manggam nna asepna ziehte u’leh, tuaban ah, sum-le-paite a pieh zing nate uh zieh ahi.

2). Thuhun Lui a silpiehna dan leh ziehte.

Sawm-a-khat pie masapen/a bul khu i theichien sih uhi. Ahin, Mosi hun masang pehin zong Israel-ten sawmakhat ana peleng uhi. Bible a sawmakhat pemasa pen khu Abraham ahi a, Pasion tungnung

pen siempu Melkisedak kung a anapieh thu i mu uhi (Gen.14:20; Heb.7:2,6). Melkisedak hing kipatdan (bul) leh a shidan (tawp dan)-te bangma Bible-in ang hil sih a, dihtatna leh lemna Lengpa ahidan lou ngal atanchin kimtahin i theisih uhi. Jesu Khrist etsahna (type) ahi akichi hi. Tuabanah, Babulon a kipat a Rom tan dong in zong silpieh khu anapie leng uhi. Jakob in zong Pasian kungah piehding in anachiem hi (Gen.28:22). Tualeh, Thuhun Lui ah khun, gam sung a siltha leh amukhieh/lahkhieh zousie ua pat sawmakhat a pieh ding uh ahithu zong i mu uhi.

Tualeh, sawm-a-khat khu Pasian in zong anangai poimaw mama ahiding a, Bible ah khun sawmthum-le-thum vei (33)- tah a kimu hi. Tualeh, Malaki gel ah khun, ‘Sawm-a-khat zousie’ a chi a, tami umzie ahileh, i sum muna lienpen mai ua pat piehding himai louin, i muna zousie ua pat a piedad a phut i hi uhi. Tualeh, Pasian in Israel-te kung a apiehding ua a phut adiehn ganta khu melhem lou leh gensiet/soisel bei ahiding ahi hi (Num.19:2).

3.1). Sawm-a-khat leh silpiehte Pasian kung a i piehna ding ziehte i suiding uhi.

3.1.i). Sawmakhat khu i piehsih leh pen Pasian a guhsah i hi uhi. A ziehpen, a guolzawlna i tante lah ua, sawmakhat khu Ama Pasian satan ahi. Tualeh, tamna guta chi in, eima-le-eima a kiguhsah china zong ahi. Aumzie, ahileh sawmakhat piehlou khun Pasian guolzawlna i tanding ua hing luong dingte khu i dal uh china zong ahi. Etsahna ding in, tuikai belsung a luonglut theina ding in a bel hu honglou/lakhie sih lei, tuite a luonlut theilou ding ma bangin, Pasian guolzawlna eima kum a hing luong lut dingte khu i piehlouna ziehun, eima khu a daltu i hi uh china ahimai hi.

3.1.ii). Piehlou khu hamsia tanna/ dawnna leh lawna ahi a, apetute a dingin Pasian in guolzawlna pieh a chiem hi. Pasian in zong sawmakhat petute kung ah van tolet (window), hong a guolzawl kia ding khu Pasian thuchiem ahi. Tuabanah, mundang ah Mangpa Pasian khu na patep ding ahisih achilaiin, tami sawm-a-khat piehna ah, Pasian in hing pie unlen, tuachin kang guolzawl sih eima chiin a gen hi. Tuaziehin, sildang ah Pasian patep (zeet)-ding ahilou lai in, sawm-a-khat leh silpiehte a Ama gin umna suhlatna ding in i patep uh zong a kihuom hi.

.3.1.iii). Silpieh pieh ding khu Pasian in ang nget mai zong ahisih a, sawm-a-khat khu Ama satan ahidan a gen hi. Tuakhu, i piehziehua Pasian a hing hipan hilouin, i piehsih u'leh pen Pasian satan i piehlou uh china ahizaw hi (Lev.27:30-33). Tami khu Mangpa Jesun zong anamdet chi i mu uhi (Matt.23:23).

3.1.iv). Pasian in sawmakhat a kung a i pieh ding uh a deina zieh khu a lenggam a kul-le-poimawte sepna ding ahi a, banah, a tung a i kipah dan uh suhlatna leh Ama i zatatna uh etsahna zong ahi. Tuaziehin, thawlom pe hoitute khun, Pasian a zatat dan u'leh Pasian tung a kipahdan uh a puonna uh suhlatna hoi tah khat zong ahi. Pasian a kipah chi suhlatna dang khu leitung dinmun ah zong, sawm-a-khat hoitah a petute khu Pasian in zong a vengbit un a kem hoi a, midangte bangin vangsietna leh mangbatna a tuotheina dingte uh zong a phal sih leng hi. Amavang, sawmakhat hoitah i piehzieh ua lawching leh guolzawlina tangpai ding china vang ahisam sih hi. Hoitah a pete khu ang vangpha pai zungzung ding uh china zong ahituom dieh sih hi.

4). Thuhun Tha a silpieh tungtang i mudan uh.

Thuhun Lui a sawm-a-khat pieh dan ding a i mu uh khu Thuhun Tha ah zong anuolna leh a kibahlouna a um sih hi. Tuanah sangin, Thuhun Tha in alesuhdet in namdet zaw hi.

4.i). Mangpa Jesu zilsah dan: "Pie un tuachin piehin na um ding uhi" (Luk 6:38). Pieh a i umtheina ding un, pieh masah angai hi. Sawm-a-khat telin, silpieh mongmongte khu itlou a petu khun atamzaw in a mu ding uhi.

4.ii). Van ah gou khawlkhawm i hi uhi.

Silpieh mongmongte khu sawm-a-khat jau/telin van a gou khawlkhawmna ahi (Matt.6:20-21). It ding ahisih a, Manggam nnasepna ding leh panpi ngaite panpina ding a, i piehte mongmong khu amangthai maimai sih uhi. Tuanah sangin, vana goukhawl khawm i hizing uhi. Apetam zousie khun hagau lam ah guolzawlina tam sem amuding uhi.

5). Sawltah Paulin silpieh tungtang a zilsah dan (I Kor. 16:1-3).

Tami tangte a sawltah Paul gen nuom pen khu kiel panpi ngaite pong panpi ding himailouin, tulai a Manggam nnasemtute etkawlna

ding leh nnasepna ding a thawlom (silpieh) bang khu tuami hun lain ananei khin uh hileh akilawmta hi. “Nisagi ni masapen (Sunday) chinin tholawm a lahkawm zing ding uh (regular) tah in. Mi chin in a pie ding uhi. Guolzawl na amu bangbang un a piechiet ding uhi chite leh a dangdangte” a gen hi.

6). Tam a tung ate ban ah Thuhun Lui leh Thuhun Tha in silpieh ding dan a gendan tangpi dangte zong i suina lai ding uhi.

6.i). Petu in Pasion guolzawl na atan leh anei bangbangin gin um tahin (honesty), a peding uhi. Pasion kung a kipahtu genna ding in, ginna toh zong i peding uhi. 6.ii). Haitha ga/tha masapen leh ganta piengmasa pente zong i pieh ding uh ahi. 6.iii). Hattuum nnasepna leh hattuumte poimawnte a zahding in i peding uhi. .6.iv). Silthawn pieh i mubang zelin sawm-a-khat i pie ding uhi (Deut.14:28-29). 6.v). Siemputen zong sillat a dawn bang zel un zong sawm-a-khat a pie ding uhi (Num.18:21-29). 6.vi). Khut siem mite, sum sui mite, ngasa mante leh neh suina tuomtuom neitute khun zong gin umtahin sawm-a-khatte ana peleng uhi. 6.vii). Itna toh i peding uhi. Tualeh, siptah/kilang

lou tahin, i peding uhi. Bible in, “Na khut veilam in abawl khu na khut zietlang in thei sih hen” chi ahi (Matt.6:3-4).

7). Masanglai Hattuumte/khawmpi in sum-le-pai thu a vaihawm dan uh.

AD 250-300 lai a hattuum kikhawmpite vaihawmdan (Apostol dan bu) a chi uah khun, “Ga masa zousie khu Bishop-te, Presbytery lamkaite, Hattuum Upate ading a lahkawm ding ahi a chi uhi. Sawm-a-khat khu sawltahte etkawl na leh chawmna ding a a um ding ahi” a chi uhi. AD 599-a Saville Khawmpi ah khun, “Mi’n silbang kim a sawmakhat a pieh sih u’leh Kaina pieh dihluo zieh a a tung a Pasion hamsiet khu a tung ah tungta hen,” chi in thupuosahna anei va-ia uhi.

8). Awle, Pasion kung a silpieh pieh ding ahidan leh poimaw dan igen ua, tami apat ingaituo ding uh ahileh Pasion guolzawl na i tante uh khu Ama Pasion hing pieh ahilam ithei zing ding uhi. Ama satan sawm-a-khat khu hoitah i pieh ding uh khu Pasion in ang phut ahi. Dihtah-le-gin umtah a silpieh pe zing mite khu khawvel ah mi lawsamta luo aum sih ding uh chi lei zong i chi khiel sih ding uhi. A lang

khat lam ah, Pasion guolzawl na tang nazenpi a, sawm-a-khat leh silpieh pengailoute mi lawchingta luu atam sih ding uhi. Tuaziehin,

Pasion satan sawm-a-khat leh silpieh dangte ah pan la tha vaui. Mangpa Pasion in simtute hing guolzawl chietta hen aw!!!!

KHELNA CHI NI TE

(Laisiengthou Rome 5:12).

Upa Thangzasuan, Kanaan Veng

1). Khelna khat na: Mikhat zieh in vannuoi ah, khelna ahing lut a, tua khelna zieh in shina ahing lut a, mi zousie azelsuoh ta hi. Tana khelna kigenpen khu Adam leh Evi te theiga neh zieh a, hing pieng khie ahi hi. Tua ahileh, Pasion in theiga it ahi diei le? Hilai zanglou e, na neh uleh nashi ding uhi, chia thu apieh pen nit lou a, zatat lou a, Setan, Gul thugen zui a, setan thumang a, aneh uleh, Pasion thangsie in, lungthah seng seng in Nou thumanglou, mikhiel nahi uh chia ahamsiet ahita hi.

Ahamsiet zieh a, bang a khawhna um e? Ashithe i lou ding kium lai, Shinan itung uah vai ahawm tahi, tuaban ah, setan thu aman na ga uh khu, kumtawn meidil tan ding i hagau in a thuoh ding ahing hita hi. Hinanleh eiten bang ma ithei sih ua, i awl maw naituom sih uhi, tua ahileh Adam theiga neh zieha bang dia en Gawtmun itan law laizang ding u'la? Wuhan Khopi a Corona in vanuoi pumpi azel suoh ahi tahi. Corona pen mai ituom leh aphatuom a, Adam Corona pen Maituomte leh Zatep, Tuibu ngawl a, phatuom thei dingte ahitasih hi..

Ei vaneh khah lah hisih a, anglaw sawnte ihizieh un, ngaidam nget thei ahisih hi. Ganta shisan a tatdoh thei ding dan zong ahitasih hi. Tuapen isaltanna uh ahing hita hi. Hinanleh eiten isaltan lam zong ithei vateh sih ua, i ut dandan in, ium veve lel uhi. Tuapen Mangpan hing hepi seng sengin atatna dingin atapa Jesu Khrist Khross tungah ang khailum ta hi. Koipou tapa gingta in kumtawn hinna aneita, koipou Tapa gingtalou ten hinna aneisih dingua, Pasion thangpaina a tung uah aum zaw ding hi, achita hi. (Johan 3:36)

Hinanleh a gingta te Hundampa ahi sese hi. Azieh khu Ginna panglou in Pasion lungkimsah zou guol ding ahisah hi achi hi (I Tim. 4:10, Hebrai 11:6). Tunia igen utpen khu Adam zieh a khelna pen, ngaidam kingen thei lou hi. Direct a gotmun lut ding laipen i Hundampan ang tandohta a, ang hundam tah zieh in koipou a gingtate Got mun a lut nawnlou ding ahita hi, Hallehluiah. Apiengtha te hilou, zatep tuibuh ngawlte zong hilou, agingtate, Hundampa ahituom shi hi (I Tim. 4:10)- en in.

2). Khelna nina (Mathiu 19:18). Tuolthat sin, angkawm sin, guta sin, zuougen sin, nangma naki it bang in, na innvenge it in chi ahi. Tamna thupieh zui loute khu, mimal khelna ahia, ngaidam inget leh ngaidamthei ahi. Angaidam ding dan pen, Gotmun ilut ding ang ngaidam dingin, ikhel napen pap ahing pieh ding ahi. I theisiem na ding in, David tanchin igen ding hi. Kumpi David in Bethseba a luppi a, Nau apaisah ta hi. Tua akhelna liekhu na ding in apasal Uria a thatsah nalai hi. Hinanleh akisia mama a, ngaidam angenta hi (Late 139:1). Akisia dan thu akigiel hi. Tuazieh in Mangpan gotmun a lut ding pen, angaidam ta hi. Hinanleh akhelman pen adam sunga amu ding, guolnei

Nathan in apuongkhe sah ta hi. Tuate khu mizi na luppi in, nang zi te zong, min aluppi ding hi. Uria natha zieh in Nang tate leh nang tate akithat tuo ding uhi. Na innsung ah Namsau alengta ding hi, achisah ta hi.

Kumpipa zite luppi ngam ding koi? Luppi uleh kumpipan hinkhoi lou ding chi Mangpan athezieh in atate laha a it penpen amel hoipen pan aban luppi sahta hi. Tuakhu Gawt kawm a, khoidan siempan, alungtang tawng sukha dinga abawl ahi. Tuamabang eite zong mi lungsim natna ding ibawl khah leh phu la thei lou ding in ahing gawt dinga, mi kung a gen ngam lah hilou, i lungtang tawng sukha ding in ahing bawl ding hi. Tua guoh hilou in, atapa Ammon in asangamnu Tamar a rape kia ta zel a, tuapen Abasalom thangpai in, Ammon namsau in athat kiata zel hi.

Kumpi innsung a siltung dingin, azum azum huai, ahingsuoh dohta hi. Tua guoh a kihiel nailou in Absalom in apa, Leng touna lahpieh sawm in apa sepai kimkhat toh gamnuoi ang bawlta hi. Apa angdouta ua, apa zong inn a um ngamtalou in a it mama, minsiet, thangsiet atuohpi Bethseba nuasie in singhawm, suonghawm abelta hi.

Laphuotu khat in, “I Mangpa lemguot dan, koi in atheizou diei?” achi bang in, theisiem aha mama mai hi. Laisiengthou Mark 7:10’ “Koipou anu leh apa, hamsiet khu shi teitei heh”, achi kia bangin. Absalom khu phu lah theilou ding in, sing ka khat ah akikhai long ta zel hi. Apa dou nana na khu lei la banlou, van la banlou in, Pasianin akhailong ta zel hi. Ipa khiel nanleh zong chingla ta nanleh zong dou lou ding china ahi a, i lie khu ding, ipanpi ding, ihup ding, henep ding, hamuon zaw ding ahi. Khang kihilna pha ahi. Ta leh pa kidou khu apa lam a, Pasian pang ahi.

Tana, mimal khelna pen khu ngaidam nget thei ahima bang in, ngaidam inget leh Mangpan gawtmun ilut ding pen ang ngaidam hi chi Kumpipa David apan achien mama hi. Hinanleh tahsa pen, atu bangbang a at chi zong, akichien mama mai hi. Tuazieh a, Hagau akhiel, Hagau in athuoh ding, tahsa a khiel tahsa mama in athuoh ding china ahi. Mathiu 12:31-32- “Tuazieh in kahing hil ahi, mite akhelna chin teng uleh, Pasian agensiet na te

uh ngaidam ahi ding a, Hagau Siengthou hilhiel gensietna pen, ngaidam ahisih ding hi” chi hi. Tahsa lam toh kisaipen ngaidam thei ahi dinga, Hagau lam vai a khielte kingaidam lou ding china ahi.

Bang e? Hagau lam, ishi nua chieng a, i hagau hinkhuo dinge mi hundam ding leh ding loute, thu tanna bawl lou ding, china ahi. Napientha sih leh hundam sih va teh, zatep, tuibuh na-ngawl sih leh Hundam tang sih vateh, chite mihing chi dia phallou ahi. Bang e? akiphai, Mangpa Jesu gingta in, Hundam in na um ding hi. Pasian thu awi un, Pasian muong un, Pasian bie un, chite khu mihing bawl ding gen ding imawpuoh na uh ahi.

Hinanleh, Hundam hi sih vateh, vangam lutsih vateh, chite Mangpa ngaidamna haupa, tavuon ahi hi. Ama bang in, gilou nanleng, Jesun hing ngaidam nuom Khross tung a um, shiding sa zong, Jesun hing ngaidam thei hi. Simtu zousie, Mangpan theisim dingin hing guolzawl chietta hen. Amen!

MAITAM

(Gen. 15:12)

By:- Upa Khaichinmang, Tongdam

Maitam kichi khum Pasion lungsuina/Pasion maipha suina, Pa/Nu adieh in Semtuten Maitam anelsie lou ding, Abraham in a Maitam a imutsan zieh in, ahah asuonte bang asuoh pilpei uai? Tam mawpuohna maitam izui/ibawl ding dan hileh bang achi diai?:-

Sl. No. 01). Suon a NU/PA:-
Suon a Pa/Nu te mawpuohna
maitam khu

(a) Innkuon a kim dimdiem a pientha. (b) Pellou a Bieh Inn kai/Tungbai. (c) Sum leh pai Mangpa adia it neilou (kiphal). (d) Sep leh bawl a Thanuom/Taima. (e) Thumna nei zing. (f) Bible simzing. (g) Innkuon a Thumkhawm zing etc.

Tam atung a maitam na Imutsan lou leh na hah na suonte Mangpan Guolzawl van in, miten na Gam ah, na nah asem ding ua, na hah na suonte Guolzawl na ahing hi ding uhi.

Sl. No. 02). HATTUOM UPA/ LOCAL UPA:- Atung a Sl. No. 1 na hi ding ban ah, ba belamte, aliem abai a um ei? Ann khamlou, Ann neh ngaplou, Damlou a um ei chia Innsuon a kal khat sung a Inn khat beh a tot ding i.e. kal khat ha sawm leh ni=48 House visited. Kum 30 Upa na

sem leh 30x48=1440 House visited. Van ah anuomman ding a umsa ahi. Tua na nnasep ding na imutsan leh khatvei chiang thei na nichia.....! Akikhel man.....

Sl. No. 03). EVANT./EVANT. TEACHER:- Atung a Sl. No. 01 na hi ding ban ah Evant. te Sangsie te khu Sl. No. 2 na zong ahi ding apoimaw leh kul ahi.

(a) EVANT. :- khu, Khantanhoi koi in a imutsan ei? Jesu khu hundampa in michin in apomkip nai? (i) Khamthei bawlte (ii) Kani/Nganja lei bawlte (iii) Jukhamte (iv) Mi lungsim sete (v) Innsuon tot ding etc.

(b) EVANT. TEACHER:- Evant. Teacher te khu Haichi poi tawh kibang ahi. Naupangte pilna siemna a zilsah te khu Haichi poi ahi ua, tua ahaichi poi pen, ane sethei, nuoilam apat a nese thei tunglam apat a nesethei a veng hoi a, ahing pichin chieng a, aga- (i) Pastor, Missionary/Evant. etc.

(Van lam a ding), (Lei lam a ding in) IAS, IPS, MCS etc. a ahing Gakhiet ding ahi. Tua a nnasep a imut san leh aha asuonte lei ah vahvai ding a, van ah Gotmun ah a umsieng ding hi.

PASTORTE:- A tung a Sl. No. 01-03 ahi ding ban ah mawpuohna lien tah nei ahi ua, “Kei leh ka Innkuonten Mangpa na ahi kasep ding uh” (Joshua 24:15) chite khu abihtah in Patorte ahizieh un i zatat mama uhi. Government nna semte khu 10:00Am to 4:00Pm sung nna sem ua, suty ni akhawldam nalai uhi. Ahin Pastorte pen 6:00am-9:00pm sung asun azan chilou a, ka biel sung ah hundamlou a umkha diei chi a a innkuon ua sem vevaw

ahi uhi. Tuaban a nnasem ahizieh un, michin in zong ingai na uhi. Innchin tuon in, kagim kataawl chilou a sem vevaw ahizieh un i patat mama uhi. Ahin, semlou a, Ahuon sung a Gantate lut a, ahaichi te tuonchil gop hileh, Huon neipan aha asuonte heimun ah akoi diei.....! Ahuon daite, akhuomte a Haichite enlou in Nuomtah in Imu taleh ama hah leh suon van ah Gotmun Lei ah hamsiet athuoh ding uhi. Ki enchien ahunta mama hi. Awleh Gingtuten Mang nna isep bang bang uh a Ga at ding ihiman un, i nnasep uh lunglut tah a sem ding in, Mangpa’n simtute zousie guol hing zawl in, vang hinbuoh ta hen. Amen.

MITTUI LUONGKAWM A HAICHITU DING (Sam 126: 5-6).

- Upa S.K Khama

Thumapui : Tukum 2021 Haitha July 25 Synod Calendar dungzui a bawl ding a guot ahia, deibang a Haitha ILOP THEILOU ZIEH UN mittui luong kawm a haichi tuding chi thu tomnou khat a isuo uh ahia, chitah suona toh Haitha laan a, lawm chiet ding in iki ngen uhi.

Bible sung ah mittui kigenna mun tampi ah imu a, tuate zousie i-et chieng in chitah suona toh sil ingetna zieh a hithei leng ahi chi imu hi. Eima utthu a luonsah thei ahisih a, lungkham mangbatna leh puohnatna a hing kipan ahi. “Nupi shigalte akaa chieng in ahieng-asan laigil or a innsung mite ahi chieng in alai anaa a akap a ahitui uh aluong hi. Hinanleh lainatna neilou a amin maimai a kap poupoute

a ding in chitahsuona panglou ahizieh in hitui aluon ding bang in aluong sih hi”.

Kumpi Hezekia damlou a a umlai in Amos tapa Guolnei Isai akung ah avahaw a, “Mangpan na natna khu damzoulou ding nahitah zieh in na innsung mite geltup in” achi leh kumpi Hezekia zong bang lam ngaa in akap hut-hutta hi. Mangpan Kumpi Hezekia kung ah na hitui luong kamu a nadam kum 15-ka belap chithu hilding in Isai asawlkia hi. Kumpi Hezekia dam kum kibelapna khu hitui luongpum a athum a, akaa zieh ahi. (Isai 38:1-5) Nupi 2 in lou ahou ua, nupi khat pen in haichi atu chieng in Pasian kung a kilan vatehlou in atu a, ang pou a hinaleh hitui luong pum a kilanlou a atu zieh in akausan sieng a ‘Ga’ neilou in a um hi. Hinanleh Tapidaw nupi nun atun-akuon in Pasian kung a kilan zing in mittui luong kawm a haichi atu chieng in aga tampin apung hi. Azieh ahileh Pasian hitui luong toh atu zieh ahi.

Tulai J.E. (Japanese Encephalitist), Covid-19 natnate, Zunhum natnate, Cancer natnate leh natna hiileng tuomtuomte damna ding in W.H.O. (World Health Organization) in panla in Doctor siem tahtahten azen vang

un adamzou tuonsih hi. Tamna igennuom pen khu Hitui luong kawm a kumpi Hezekia bang a chitahsuona toh ithumpou uleh bang tobang natna hinanleh a daming hi.

Sadhu Sandar Singh gilzang muotsa zong Pasian in adamsah hi. Hitui luongpum in thum poulei bangdia damlou ding ? Jeremiah zong Guolneite lah a kahne khat ahia, miten Guolnei Kahnepa a chi uhi. Aman mite maban ding amu chieng pawnaseng in thu agen a, thu agen vang in amiten angaisah sih ua, thu agen photphot chieng in akap paipai hi. Miten Guolnei Kahnepa achi chieng in aman, “Ka lutang lui hihenlen, ka mitkhuh khu tuinaah hita maileh asun-azaan in ka kapkap ding” achi hi. (Jeremiah 9:1) I gamsung, ibielsung, i hattuom sung leh i innsung i-et chieng in Jeremiah bang a mittui toh buchi lultah kuonpi ding khu itasam uhi. Unau, nang in buchi bang nachi tu ei ? “Mittui khu Pasian mittui ahia, a kung a inget uh ngai hi”. Tuachin Mangpan ipoimaw ngaina toh mittui luong kawm a buchi lultah ingtuh thei hun chieng in,

Mangpan amu ding a igam sung ah nungah-tangval, nupi-

papite khu kap kawm a buchi lultah kuonpi ding ang umta ding hi. Buchi ichi chieng in ithumna, ihuon haichite ban ah Hagau mangthaite lah a Khantanhoi vagenkawite zong haichi ahia, hitui luong pumpum a itu ding uh ahi. Tua khu Mangpa deilam ahia, guotui in leitang atapnou a, singte, loupa leh haichi leh mihing tanpha akhan ding bang a akhan bang in Pasian kung a

hitui luong kawm a inget leh ilawching ding uhi. Pu/Rev. G.K. Samte alaa phuoh a ; “Thum poulei bang ding a lawchinglou ding” achi bang in ithum ding uhi. Hitui luongkawm leh kap kawm a haichi kuonpi a tuuten kipahtah in buphaite i-aatta ding ua, isana buphaite tawi in I Pasian kung ah ikilekia ding uhi. Mittui luong kawm a haichitu ding in ikichiel uhi.

ANTI-CHRIST KICHI GAMSA LEH ACHIEMTENA

666

(Text: Kihilna 13:1-6; 11-18)

-Rev.Stephen Khupsianlal

Anti-Christ toh kisai a sil hingtung ding zousie te khu Rapture zou chieng a hing umpan ding ahi hi. Rapture zouchieng in Tribulation (Gimthuohna)- gimnei mama khu kum sagi sung hing um ding hi (Daniel 9:27). Tam hunsung in Kihilna in agen Pasian Gawtna Chiemtena sagite, Pengkul sagite leh Hengkuong sagi te zousie khu leitungah atang tung ta ding ahi. Tualeh Anti-Christ khun leitung ah vai ahawm ta ding a, tualeh a chiemtena 666- khu hawm in umta ding hi.

Anti-Christ khu mihing khat ahing hiding a, atahsa khu Setan in zang ding hi. Rapture a pangkhalou nuasia um mihing tamtah te khun anua azui ding uhi.

GAMSA (ANTI-CHRIST):
Gamsa or Anti-Christ khu Kihilna 13:1 khun ‘Gamsa lutang sagi

leh ki sawm nei’ achi a, Daniel 7:8 khun ‘Ki te lah a ki neu khat hing poudoh leh sil thupi tah tah gen kam khat nei’ achi a, (2 Thessalonika 2:3-4)- akhun ‘Khelna mipa mangthang tapa, ama leh ama kitawisang leh Pasian biehinna a Pasian bang a tou dingpa’ achi kia a, tualeh Mathiu 24:15 khun ‘ Sumangthaipa kidah

huoi' achi ahi.

Anti-Christ khu koipen ahing hidiei chi koima'n theilou hi. Mi tamtah te khun Adolf Hitler, Pharaoh, Nebukadnezzar, Alexander, Kaisar leh Nepolean chi te khu hiding in ana ngaituo uhi. Anti-Christ khu koi himawng ding ahiei chi pen genthei hisih nanleh Rapture zouchieng a U.N.O President a pang ding pen pen khu Setan in leitung namchin tunga thuneitu hiding a hing zang ngei ding in agintat huoi mama ahi.

Rapture zouchieng a Setan mizah Anti-Christ in 666- lanuom loute agawt ding dan Bible in agendan ngaituo in lutang tansah ding chi ahizieh in Islam sahhuo biehna zui Muslim te hing hiding inzong gintat huoi mama ahi. Muslim ten abieh uh Allah khu 'Buoina pasian' chia kithei ahiban ah gawtna abawl dan uh lawltah sah ahizieh in Anti-Christ khu Muslim te hing hiding in gintat huoi mama mai hi.

GAMSA CHIEMTENA (SETAN NUMBER) : Gamsa chiemtena 666- khu mihing tahsa tung mun bih te ah kibawl ding hi. Kihilna 13:16 akhun, "Aman mi zousie aneu alien, azawng ahau, saltang leh nopen hitaleh, akhut zietlam uh ahiei, ahisihleh

atalpang uah chiemtena abawl pieh chiet hi," kichi hi. Leitung a min tuom tuomte khu akisut chieng in gamsa chiemtena (666) toh kibang a sutkhiet zong ana um zel ahi. Hinanleh, tamte khu Anti-Christ ahi uh chi na ahisih ahi.

Pope lukhuh akhun Latin ham a kigiel 'VICARIUS FILII DEI' kichi a um a, tuakhu 'Pasian thakhel in' chi na ahi. Tam khu Roman numerals a sut ahichieng in 666-hing pha hi. Tualeh Muslim helpawl ISIS ten atal ua puan aga pen ua khun Arabic ham a kigiel laiteng a um a, tuate khu Greek ham a kigiel 666-laiteng toh kibang kichi kia hi. Tuaban ah Muslim te pasian 'Allah' zong khu 666-in sutkhiet in um kia hi.

Gamsa chiemtena 666- khu adieh in van kileituona lam sil toh akisai ahi. Chiemtena neiloute khun bangma aleithei sih ding ua, zong azuoh thei sih ding uh ahi. Kihilna 13:17- akhun "Tua chiemtena ahiei, gamsa min ahiei, ahisihleh amin nambat ahiei, neiloute pouma in a leithei sih ding ua, azua thei sih ding uhi," kichi hi. Van kileite nualam akhu Bar Code kichi um zel hi. Tam codes khu 1970-laivel apat in zahpat in hing um hi. Codes- te akhun line tuomtuom a um a,

tuatte zong khu gamsa chiemte toh kibang in sutkhiet hizel hi. Tuachin 1980-hunlai apat in Scanner khu bawldoh in hing um kia hi. Tuakhu Bar Code-te a kigiel sil man kigielte suikhietna vanzah ahi. Tuabang zel in tulai inzong mihingte talpang ahisihleh khut zietlam ah scanner tungtawn in Covid-19 vei leh veilou etkhiet in um ta hi.

Bar Code banah Quick Response (QR)-kichi zah in hing um kia tou zel ta hi. Tam khu phone tungtawn a zah ahi deu pen ahi. QR khu ning li nei ahi a, alim khu gamsa lim mama abang ahi. Tuazieh in mitampi ten gamsa chiemtena bang in ngaituona nei uhi. Kihilna 13:15 khun milim kichi khu gamsa toh kizopmatna nei ahidan gen hi. Tulai in Radio Frequency Identification Chip (RFID CHIP) tungtawn in leitung ah vai kihawm tou zel ta ahi. Tam Chip khu mihing tahsa tunga kaplut thei dinga bawl ahi a, aletdan khu anntang chie pha giep hi. Tualeh tam Chip khu ama leh ama ki charging thei ding in siem uhi. Mihing tahsa kipie mun na talpang or khut zietlam ahizieh in 666 khu Chip tungtawn a hingki kaplut ding in gintat huoi mama hi. Leitung gam tuom tuom ten Chip azang pan ta ua, company te khun semtu ding alah chieng

un Chip neilou louthe deinawn lou uhi. Chip tungtawn in mimal khat khu ama hina zousie bailam tah in akithei khe thei a, information poimaw zousie khu tam Chip sungah kimtah in um kichi hi.

Bar Code ahiei, Quick Response ahisihleh RFID CHIP hitaleh tamte khu 666 kihawm ahinai sih a, Rapture zouchieng a Bible in agen gamsa chiemtena hing kihawm ding dan leh mihingte buoi ding dan etsahna amaw lampi sieltu te ahing hita uh ahi. Kihilna 16:1-2 akhun Gamsa chiemtena neitute leh alim bemite tungah himasie nasetah mai leh kidahhuoi tah um ding ahidan kigen hi. Pasion in Ama lim leh mel sun a ahing siem mihingte tahsa tunga Setan number um ding khu Mangpa a dinga thangpai huoi mama ding ahiziehin alatute zousie tungah suhdamtheilou natna kidah huoitah tung ding hi. Tuamai hilou in Second Coming hun ah Mangpa Jesu'n atah nalai ding ua, Gawtmun-Meidiil ah alut nalai ding uh ahi (Kihilna 14:9-11; 19:20).

Rapture a pangkhalou ten Anti-Christ amaituo ta ding ua, vangam lut theina ding lampi umsun khu gamsa chiemtena lalou a, alim belou a lawl tansah khu hing hita ding ahizieh in

hamsa mama ta ding hi (Kihilna 20:4).

Tribulation gimthuohna hun akhun Anti-Christ khu thuneipen ahita ding a, Rapture hun a pangkhalou zousie tungah hepina mawng mawng neilou in vai ahawm ta ding ahi. Tam hun sung akhun 666 lanuom loute khu tha ding in order suo ding hi. Ama be ding leh a chiemtena la ding in michin ahing phut ding a, alanuom loute athat ding

a, a latuten atahsa tung uah himasie kidahhuoitah anei ding ua, gawtmun ah alut nalai ding uhi. Gingu piengtha zousie te khun Tribulation Gimthuohna hun ahing tun masang in Rapture Ni chieng in lahtou in aki um man ta ding hi (1 Thessalonika 4:16; 2 Thessalonika 2:3-8). Hepina Hun sung a ium pet un Mangpa Jesu Khrist khu Mang leh Hundampa in kipom kin va ui. Mangpa'n guol hingzawl hen

HAMKAM I ZAH KHIEL ZING TE UH SUHDIHNA (Thei ding a vallou).

Rev. Dr. Hangpi Manlun

Tam anuoi a thute khu hattuom sung leh ini chin hinkhuo ua izah zingte ahiziehun, tawmkim in i hilcien ding uhi.

1). Presbyterian Women Fellowship (PWF) te khu 'Nu Pawlte' chi ding hilou in 'Numeite' chi zawh ding ahi.

2). 'Presbytery' leh 'Presbyterian' zong a chang chieng in kimang khiel jeljel thei hi. Presbytery pen district-te kikkaikawmna (Etsahna ding in, MGP, MEP, ZTP, TTP, KSP)- chite ahiziehun, local lieng a kihatnate leh adangdang a ikihatnate uoh 'Presytery' chilou in 'Presbyterian' chi ding ahi.

3). Synod office (Zumpi) -ah Executive Secretaries ni i nei lel uhi. Tuate lah khat 'Senior Executive Secretary' lou pen 'Junior Executive Secretary' chi lou in Executive Secretary chi lel ding ahi. Khat Senior ahizieh a, a khat pen 'Junior Executive Secretary' mawh chi lou ding ahi.

- 4). District lieng a kivaihawm na pen 'Pate or Pate Khawmpi' chilou in District Khawmpi/Vaihawmna chi ding ahi.
- 5). Khanglai te min bul ah 'TV' chia kigel pen ilam khieh/gen chieng un 'TV' chi mawhlouin 'Tangval' chia lam ding ahi.
- 6). Nupite min bul a 'MRS' chia kigel pen 'MRS' chi lam mai lou in, 'Mistress' chia lam zawh ding ahi.
- 7). Office a Executice Secretaries ten mawpuohna genna i/c- chia kigel pen ilam chiang ua i/c, chimai lou in 'Incharge' chia lam/gen ding ahi.
- 8). Pasalte min mai a 'MR' pen ilam chieng un 'MR' chilou in 'Mister' chi zawh ding ahi
- 9). Mishite min mai a 'L' kigel pen ilam chieng un 'L'-chimai lou in 'Late' chia lam ding ahi.
- 10). Nungahte min mai a, 'Ms' chia kigel pen ilam chieng un 'Ms' chi mai lou in 'Miss' chia lam ding ahi.
- 11). Theology a zilna sang zoute (Etsahna ding in, D.Th, D.Min, Ph. D-te. leh MBBS- zoute)- min mai a 'DR' chia kigel pen ilam chieng un 'DR' chimai lou in 'Doctor' chia lam ding ahi.
- 12). Dukan ahisih leh sum suina a hing dawl/lei zelte khu 'Passenger' chilou in 'Customer' chi zawh ding ahi. Passenger pen kari, lenna a tuongte genna ahi uhi.

KHOCHIN SAWMAKHAT SUN DAN


1st November 2020 to 31st July 2021

01 Central District		53,95,075
Aina Tithe	2,39,607	
Awnchinkap Khuo Tithe	82,391	
Central Church Tithe	28,16,011	
Hatching Sion Tithe	57,980	
Manniang Khuo Tithe	1,15,133	
Nungshai Tithe	17,700	
Sabuol Tithe	22,730	
Tuilaphai Tithe	59,770	
Zomi Colony Tithe	19,83,753	
02 Lentang District		26,93,657
Bohlui Tithe	36,450	
LDCC Hiangzou Tithe	2,81,716	
New Zoveng Tithe	40,957	
T Daijang Tithe	1,87,924	
Tuibuong Tithe	20,71,221	
Zoumunnuom Tithe	75,389	
03 Lamka District		69,00,406
D Phailian Tithe	1,18,240	
Immanuel Khopi Tithe	4,99,275	
Kanan Veng Tithe	8,88,104	
Lailam Veng Tithe	33,27,187	
M Muoltam Tithe	74,840	
P Khupgou Veng Tithe	5,350	
Thingkangphai Tithe	9,72,298	
Tongdam Tithe	7,89,743	
V Bethel Tithe	46,029	
Zomi Bethel Tithe	1,52,530	
Zoumun Tithe	26,810	

04 Imphal District		20,53,156
Imphal Tithe	20,53,156	
05 Tuining District		7,98,215
Kuvan Tithe	21,480	
PN Khovong Tithe	90,833	
Tuining Tithe	5,94,732	
Zomi Zion Tithe	91,170	
06 Suolam District		8,53,268
Moreh Gamnuom Tithe	39,050	
Moreh MEP Tithe	45,557	
P Salem Tithe	44,000	
Sugnu Tithe	7,04,351	
T Zion Tithe	20,310	
07 Gunpang District		10,48,334
L Gangpimuol Tithe	71,726	
M Khawluol Tithe	85,032	
N Khaukuol Tithe	2,07,850	
Saiboh Tithe	63,690	
Talnuom Tithe	24,365	
Teisaljang Tithe	1,52,065	
T Munnuom Tithe	4,43,606	
08 Singngat District		18,19,055
Hiangtam K Tithe	70,855	
Maukot Tithe	68,478	
Mawngken Tithe	49,065	
Munpi Tithe	11,420	
Muoljin Tithe	17,720	
P Suohzahau Tithe	15,390	
Singngat Tithe	7,28,902	

S Muvanlai Tithe	46,361	
Suongkuong Tithe	6,300	
S Vengnuom Tithe	1,41,423	
Tangpijol Tithe	3,38,231	
Tuimanjang Tithe	3,870	
Zoukhonuom Tithe	3,21,040	
09 Zoutang District		10,16,087
Belpuon Tithe	1,37,000	
Buhsau Tithe	36,128	
Buongmun Lamkhai Tithe	12,235	
Hiangmuol Tithe	39,960	
M Buongmun Tithe	78,860	
Muollum Tithe	6,30,554	
T Khajang Tithe	81,350	
10 Tuivai District		7,69,373
Behiangjang Tithe	2,96,723	
Behiangtung Tithe	10,000	
Hiangtam B Tithe	2,72,747	
Hiangtamjang Tithe	1,59,773	
Lunjang Tithe	24,330	
Tonjang Tithe	5,800	
11 Outside State & Others		29,48,687
Bengaluru Tithe	5,10,726	
Chennai Tithe	1,65,203	
Delhi Tithe	13,61,682	
Mangjing Tithe	39,450	
Paspati Tithe	4,800	
Shillong Tithe	8,66,826	
Sawmakhat kimu zousie	2,62,95,313	2,62,95,313

SUUNNA



UPA NEHKHOLAM (79)

Atanchin tomkim:

Upa Nehkholam hi, (L) Pu Huatjang leh Pi Ngaijanemte gil a gaa goutan tapa tahpen ahi. Ama hi, 1942 in Phiran khuo ah ana pieng a, sanggam thum (3)- anei a, amaute ahileh, (L) Nehkhojang, Pa Khaikhosei leh NR Chandran-te ahi uhi. Tualeh, aman 1964 kum in a it mama (L) Pi Neikhohling toh akiteng ua, tanu 2 (ni)- Nemkhonei leh Tinjalhing-te anei uhi.

Tualeh, Hattuum lam a K.C.A ah Treasurer kum 5 anapang a, UPC a Treasurer kum 10-ma ana puo a, tualeh kum 2013- in ZPCS Thingkangphai phutkhetute lah ah pang in, Upa Ordain hi in, kum thum (3)-sung Local Chairman ana puo hi. Tualeh, 2008- in, Nu (L) Neilam toh kiteng/kigawm uhi. Ama in, 2000- apat in Zunhum ana nei ban ah mitlam ah zong buoina nasatah ana nei hi. Ama khu, tukum 2021- kumbul apat hing huoisie in, 26th July nin a leitung khuolzinna mang zou in a it a ngai teng nuosie Pasion kung ah ang khawldam santa hi. Ama a kivui ni in local lieng, District lieng, Presbytery leh Synod lieng a lamkaiten bawl ding a kilawmte bawlin Thingkangphai han muol ah bieltu pastor Rev. P.C. Manga in a vui hi. Anuasiet innsung mite Pasion in hamuonin umpi zingta hen aw!!!



UPA KHAMLIANTHANG (73)

Atanchin tomkim:

Upa Khamlianthang khu Pu (L) Helzamang leh Pi Cingkhanniang tapa ahia, 20th July 1948 in Anlun khuo ah ana pieng hi.

May 15, 1975 in Khristian a kipie in March 15, 1975 in Rev. Chinminthang khut apat Baptisma ana tang a, A ji ittah (L) Luankhanching toh May 23, 1976 in ana kiteng ua, Pasion apat gil a ga goutan sagi (7)a nei uhi.

October 25, 1987 in Rev. Lallun khut apat Hattuom Upa hiding in Ordination ana tang hi.

Vangsiet huoi tah in a ji ittan (L) Luankhanching in a muolliem san nua in, a ji Ms. Mannei toh Hattuom dan siengthou in a kiteng uhi.

Ama a dam lai in India Sepai pang in Pasion lungsietna toh damtah in ahing pension hi.

Tualeh Local lieng, District lieng, Presbytery lieng leh Synod lieng ah sep ding bawl ding umte kilawp tah in a sem zel hi.

Hattuom Belampu nasem a hinkhuo a zah lai in damlou in etkol thei tan a etkol hinanleh dam zoutalou in 30th July 2021 in a it a ngai, a ji-le-tate leh leitung a a it leh ngai teng nuamsie in a tangtawn mun ding zuon in ahing muolliem san a, Rev. Khamminlian in Moreh Hanmuol ah a vuita hi.

ZPWF Column:

June 22, apat July 30, 2021 tan a TUNNU LIMBEL PANPINA PETE:

- | | | |
|---|-----|----------|
| 1. PWF Thingkangphai , Anntang kg. 76 | Rs. | 300/- |
| 2. Mangkhansiam, Game Village Uncle chips (30) pcs, Frooti(2) | | |
| 3. Sye Hauminthang, Nungshai Village | Rs. | 200/- |
| 4. PWF T.Tangnuam,Anntang 1 Bag | | |
| 5. Mercy Chiinhoilam, Belpuon,Zotang District | Rs. | 25,510/- |
| 6. Pa Sianzakhai, Shillong | Rs. | 500/- |
| 7. Nu Ngaihlian, Shillong | Rs. | 500/- |
| 8. Nh. Rebecca Dimhoinuam, Zomi Colony | Rs. | 2,000/- |
| 9. Julia Lamnu , Awnchinkap khuo | Rs. | 1,000/- |
| 10. Nh. Deborah, New Zoveng | Rs. | 5,000/- |
| 11. Hauvung, Zomi Bethel | Rs. | 500/- |
| 12. Donneiching, Central Church | Rs. | 500/- |
| 13. Upanu Nianghaulun, L. Gangpimual | Rs. | 200/- |
| 14. P. Church,Tuining | Rs. | 640/- |
| 15. Khupminthang,Hangsing & Family | Rs. | 3,000/- |
| 16. Rev. Retd. H. Nengzaton, Zomi Colony | Rs. | 1,000/- |
| 17. Nu Kengshi,L.Molcham Maipum-2 | | |
| 18. Upa. M. Zamthang,Muallum | Rs. | 500/- |
| 19. Nu Kangnu,Zomi Colony Bongsa 2 kg | | |
| 20. Paolianlal Haokip, Molnom Anntang Bag 2 & Alu Bag 1 | | |
| 21. Tv. Kapmuanpaul,Singngat Anntang Bag 1, Daal 5kg,salt
1Kg,Sathau- ^{1/2} 1 | | |
| 22. Pauniang Annkam lom-4 | | |
| 23. Upanu Ngaihhaulun, Gangpimual | Rs. | 100/- |
| 24. PWF Lailam Veng, Anntang kg. 190 | Rs. | 1,310/- |
| 25. PWF Hiangtam (Bualkot) Anntang kg 54 | | |

Petu zousie Mangpa'n hing guolzawl taken. Adihlou khate Office a suhdih thei zing ahi.

PATRON MEMBER-TE

- | | | | |
|---------------------------|------------------------------|-----------------------------|--------------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam | 4. Pu Chinzasuan |
| 5. (L) Upa Liansuanpau | 6. Pu Khamchinthang | 7. Pu S. Dalthang | 8. Upa Kapkhanthang |
| 9. Upa Langginmang | 10. Upa S. Nangkhanlal | 11. Pu S. Lamkthoang | 12. Upa Dr. M. Lachinkhai |
| 13. Upa Khamchinjam | 14. (L) Upa D.K. Manlun | 15. Upa Suankhanmang | 16. (L) Upa Khupgou |
| 17. Upa Chinkham | 18. Upa Ngulchinkham | 19. (L) Rev. V. Vungzalian | 20. Rev. Retd. Kamkhosoi |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanhup | 24. Rev. Dr. Hangpi Manlun Zou |
| 25. (L) Pu Tuanzapau | 26. (L) Rev. Ginchinjam | 27. (L) Rev. Khamzasuan | 28. Upa T. Lamkthoawng |
| 29. Upa Khaichinmang | 30. Rev. Stephen Chinzathang | 31. Pu Khupkhanmang | 32. Pu Khaidohlian |
| 33. (L) Hav. Khamzahang | 34. Pi Vungzanuam | 35. Pu T. Gouzadou | 36. Upa Liensuonkap |
| 37. Pi Zelkhochiin | 38. Pi Hatkhanvung | 39. (L) Pi Ngaihoiching | 40. Pi Mankhannieng |
| 41. Pu Goukhanmang | 42. Pi Chingzalam | 43. Pu S. Thianzakhai | 44. Pi Kamkhanching |
| 45. Pu Haukhanpau | 46. Pu Tuallianmang | 47. (L) Pu Dongkap | 48. (L) Pi Chingkhanmang |
| 49. Pi Donkhonian | 50. Upa Henzakhup | 51. (L) Pu Saichinpau | 52. Pu Goumang |
| 53. (L) Upa Khamkhanhang | 54. Shie Laangkhanlal | 55. Pu Khamkhanlun | 56. Upa L. Tualkhanpau |
| 57. Upa Jamsianmung | 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Pu Khamzathang | 63. Pi Donchin | 64. Upa Liankhanmang |
| 65. Pu Hauchinlun | 66. Pu T. S. Lal | 67. Pi Goichiin | 68. Pu T. Khupchinthang |
| 69. Upa T. Kaizalam | 70. Pu Paul Henkholal | 71. (L) Pu Soikham | 72. Rev. P.C. Manga |
| 73. Rev. Khamchinkhai | 74. Rev. Jamlianpau | 75. Rev. Chinzapau | 76. Rev. Retd. Kamkhozam |
| 77. Upa (L) Chinpu | 78. Pu Zamkhanthang | 79. Pu Chinglen | 80. Miss Chinhaunieng |
| 81. Upa P. K. Soia | 82. Pu Goukhai | 83. Pi Niangkhanmang | 84. Evan. Retd. G.L. Joshya |
| 85. Pi S. Chingkhanmang | 86. (L) Pu Vumchinkhup | 87. Upa Khaihenthang | 88. Upa T. C. Pau |
| 89. Upa Nengchinkap | 90. (L) Upa Jamkhongam | 91. Upa HT Manga | 92. Mrs. Vahkholhing |
| 93. Pu Hauliankap | 94. Pi Chinnu | 95. (L) Upa Ngulzakhai | 96. (L) Upa T. Gougin |
| 97. Pu Ginsuanhau | 98. Upa (L) Langminthang | 99. (L) Rev. David K. Samte | 100. Upa T.S.K. Samte |
| 101. Upa S.K. Khama | 102. Pu Jamkhopao | 103. Pu Thatang Taihul | 104. Pu Kamkhankap |
| 105. Bhim Prasad Ghatani | 106. Rev. M. Kapsuanthang | 107. Nu Chingneikim | 108. Rev. Khupkhansuan |
| 109. Pi Mannuamching | 110. Rev. Kaimuanlal | 111. Upa Nengkhanlian | 112. Nh. Deborah Zou |
| 113. Pu T. Kuppa | 114. Rev. (L) Mangsuanthang | 115. (L) Pu Lamchinhou | 116. Upa Pauchinlel |
| 117. Nu Kimneihoi | 118. Upa Kamgenpau | 119. Nh. Niangsuannuam | 120. Nu Ngaikehanvung |
| 121. Pu P. Sanjiv Zou | 122. Upa M. Kaichinkham | 123. Upa T. Sianchinpau | 124. Upa Sianzahau |
| 125. Pu L. Thenkhosoi | 126. Pu Kamsuanhang | 127. Upa Th. Kaikholam | 128. Upa Lunchinthang |
| 129. Pu P. Tongthang Zou | 130. H. Nehzamang | 131. Pu Thangsuankhup | 132. Upa M. Kamzadou |
| 133. Pu Jamkholian Munlao | 134. Pu Sianzakhai | 135. Upa Thanggingsuan | 136. Pu Kapminlun |
| 137. Pi Tingzavah | 138. Dr. M. Limlunthang Zou | | |

LIFE MEMBER-TE

- | | | |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau | 03. (L) Pu Selzapau |
| 04. Pu L.C. Pautungnung | 05. (L) Pi Khamkhannieng | 06. Pi Ngaiunuom |
| 07. Upa Chinsuanthang | 08. Upa Shanti Kumar | 09. Pu Kamkhohau |
| 10. (L) Pu Khamkhohau | 11. Upa Khamzathang | 12. Upa Chinkhanthang |
| 13. Pu (L) Tongzathang | 14. Pi Chiinneilam | 15. Upa Kulthang |
| 16. H/Sm. Upa Kaichinpau | 17. Pi Niangzalam | 18. Upa P. Doukholun |
| 19. Pu Kapminlian | | |

Undelivered

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a.
